



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM



**Ba fetola Basotho
makhoba**


2

**YES e qalipolla
'muso M3.4 Billion**

5



www.moeletsioabasotho.co.ls



Re se re fumaneha ho
marangrang

Email: newsroom@moeletsioabasotho.co.ls
Tel: +266 28350466/ Whats app: 62600983

MOELETSI

Sekoele Basotho

Ba fetola Basotho makhoba

meputso e sa fellang. O re taba ena e bohloko hobane

ha ba atlehe ho arabela litlhoko tsa bona, a re mofuta ona oa mosebetsi ke ona o lokelang ho eloa hloko hobane ke mosebetsi o boima o bileng batho ba sebetsang teng ba sa lefshoeng hantle.

H'a phethela o hlalositse hore Basotho ba bangata likhoebo tsa bona ba hlalisa ba bang, hoo ba bonang likhoebo tsa melata li le betere ho feta tsa bona kaha ba lefshoa betere. Ho bohlokoa hore Basotho ba ke ba itlahlabe mesebetsing eo ba e fang batho kaha ba fetola ba bang makhoba.



Nthabeleng Seitlheko

Mongoli Kakaretso oa Mokhatlo oa Basebetsi CMQ, Robert Mokhahlane, o re Naha ea Lesotho e tobane le qholotso e kholo ea ho kenya melao e mecha tšebetsong ho loanela Litokelo tsa Mantlha tsa Basebetsi eleng se liehisang kabo ea toka litabeng tsena. O boletse tsena, puisanong le Koranta ena ka la 7 Pherekhong monongoaha.

O re ba shebile ka leihlo le nchocho hore Makhotla a Basebetsi a abeloe baahloli ba 'maloa ho akofisa kabo ea toka. O re litaba tsena li nyahamisitse batho ba bangata ho ba litho tsa mekhatlo hobane ha ba bone molemo, kaha linyeoe li lieha ho buoa.

O tsoetsepele hore ekare ba ba hulanya maoto ha ba lokela ho loanela Litokelo tsa Mantlha tsa Botho tse hatikeloang mesebetsing. O re lebili la toka le lokela ho potlakisa tšebetso hore batho bohle ba tsebe ho abeloa toka, ho ntlafatsa bophelo bo botle ba sechaba. A bontša hore taba ena e ba raha maling a mpa kaha litaba tsa khatikelo ea Litokelo tsa Mantlha tsa Botho mesebetsing ehlile e le qholotso e kholo.

Har'a liqholotso tse ling, o qoholotse ho se lefshoe ha meputso e nepahetseng ea basebetsi, ho phela tlas'a litšoso tsa teleko hobane ba itseka, ho ithaopa mesebetsing ho feta nako ea molao. O re ho bonahetse hore Lekala la Khiri le Basebetsi le lokela ho hopotsa bahiri melao e ba tsamaisang ka mokhoa oa lithupelo khafetsa.

H'a phethela o ipilelitse ho basebetsi bohle ho ela hloko litokelo tsa mantlha tsa bona mesebetsing, ho tseba melao e tsamaisang likhoebo tseo ba sebetsang ho tsona le melao e li tsamaisang. A re taba ena e tla thusa hore mesebetsing e hle hobe le ponaletso.

E mong oa basebetsi ho e 'ngoe ea likhoebo tsa mahlabathe, eo Koranta e nang le mabitso a eona, o hlalositse hore ka nako tsohle ha ba lokela ho fumana meputso ka nako ba tšosoa ka ho lelekoa kapa ba fueo

Shelile o bulela bahoebi

Seoa sa Covid-19.

O re ba tsebisitse bahoebi litaba tsena ka ho ba tšoarela lithupelo khafetsa, ka hoo ha se semaka ho bona ho utloa litaba tsa tlholisano ena. O re ba tla sebetsa ba ipapisitse le melao, tlholisano ena e tl'o anela mafapha ohle a tlhahiso.

Molebatsi Rabolinyane, Mookameli Lefapheng la Khoebo, o hlalositse hore linaha tšoara litlholisano tsena e le ho nyolla moea oa khoebo le tlhahiso ea boleng. O re ha ho sena tlholisano ea mofuta ona ba ntseng ba iteka ha ba sitoa ho ba hloma thupeng ba sitoa ho hlahella.

O re taba eo e beha pooaneng makhabane a batho le hore ba saletseng morao ba bonahale ba hlahella haholo. O re ba lakatse hore batho ba ipabotseng ba ntlafale khoebo.

O re litlholisano tsa mofuta ona, li thusa ntlafalong le kholong ea khoebo. A re ha ba emisitse mosebetsi ona ba sitoa ho ipeha sekaleng sa hore na ba boemong bo fe machabeng.

O re ba arotse likhoebo tseo ka mekhalole, e le hore likhoebo tse kholo li hlolisane ka bo tsona le tse nyenyane li hlolisane li le ling. Ba tl'o khetha sehlopha sa batho ba hlahang ka thoko ba nang le tsebo ka khoebo ba bile ba sena litšekamelo khoebo efe kapa efe.

O re ba tlo sebetsa ka tselo ea SADC e sebetsang ka eona. Batho bohle bao e tla ba bona ba shebaneng le mosebetsi ona ba tla koetlisoa ho latela mekhalole ea likhoebo e tla kenelela tlholisano.

Nthabeleng Seitlheko

Ele karolo ea ho beha khoebo tsa Lesotho boemong ba machaba, 'Muso oa Lesotho ka Lekala la Khoebo o thakhotse tlholisano ea bahoebi ba ipabotseng khoebo le tlhahisong ka la 7 Pherekhong monongoaha.

Mohlomphehi Mokhethi Shelile, ebile e le Letona Lekaleng lena, o hlalositse hore ba tla abela likhoebo likhau tse fapakaneng, e leng mokhahlelong oa sehlahisoa sa selemo, ea fanang ka bosebeletsi bo botle, khoebo e hlalisang hantle, e kenyang letsoho sechabeng le kamphani ea selemo. Likhau tsena li thusa bahoebi hore ba itlhlahlobe hore ba eme joang litabeng tsa tsamaiso ea khoebo.

Ba tl'a ipabola ba tla emela naha boemong ba SADC, hore ho bonahale hore na litabeng tsa machabeng ba eme joang. Mosebetsi ona o tl'a etsoa ka la 28 Pherekhong Monongoaha. Mosebetsi oa ho fana ka likhau ho bahoebi ba ipabotseng o ne o emise ka 2013, ka lebaka la tlhokahalo ea lichelete le



Moetapele oa DC o eme leralleng o hoeletsa Basotho ka likanta tsohle ba Mahata-mmoho a neng a se a khahliloe metseng e meng hore ba khutlele hae, methehong ea tumelo ea bohata-mmoho. O re hona le linku tse lahlehileng tse thefutseng Congress, ea ba joale ba fetoha bo-ramenyetla ba ichelang bo bona, le hoja e le monyetla oa nako e khutšoanyane e sa tsoeleng sehlopha se seholo molemo. Joaloka ngoana ea lehlasoa ea ileng a sebelise leru lohle leo e neng a le abatsoe ke ntata'e a le lejella naheng, empa hamorao a khutlela ho ntata'e a kopa tšoarelo le bona ba khutle.

Mookameli oa IEC le litho tsa habo ba ile ba ikakhela ka matla phanong ea mali. O re o ile a khothaletsa batho bohle ho ikamahanya le khoelehetso ea Lekala la Bophelo. Nako ena e sa tsoa feta ea mafelo a selemo, ho etsahala likotsi tse ngata mebileng, moo batho ba lahleloang ke mali ka bongata. A re o thabile ho bona boikitlaetso ba basebetsi-'moho le eena. A re le bona ke batho ba nka maeto ba ka hlaheloa ke bothata ba hloka ho phalleloa ka mali. A ipiletsa ho Basotho ho tšehetsana, ba fane ka mali e le karolo ea ho boloka bophelo. Ruri re thoholetsa taba eo ea ho fana ka mali 'me ba tsebe hore ba phethahalitse letšolo la phela o phelise.

Rabasotho o re Naha ea Lesotho e tobane le mathata a moruo o tetemang, tlala, khaello ea phepo e nepahetseng le tlhokahalo ea mesebetsi haholo-holo ho bacha. A re sechaba se boetse se hlalisoa ke liketso tsa botlokoetsebe le bokhopo bo silafatsang sechaba sa Basotho. A re e mpe ka hofetisisa ke tthekefetso ea banana le basali. O ipiletsa ho Basotho ho tšoarana ka matsoho ho sireletsa barali, likhaiseli le basali ka ho khalema le ho tšoela ka mathe liketso tsena tse hlokanng botho.

O etsa khoelehetso ho mafapaha ohle a sechaba le ho 'muso ho tsetela ka matla matšolong a matlafatsang phepo e nepahetseng, joalokaha e le motjoli oa phepo e nepahetseng. A re sechaba se se le bale hore se thehlole holim'a mekolokotoane ea Khotso, lerato le bonngoe, ka hoo mesebetsi, liketso le lipuo tsa sona ebe tse boulelang le ho sireletsa litsiea tsena tsa bohlokoa sechabeng sa Basotho. A re joalokaha selemong sena sa 2026 Lesotho le keteka lilemo tse 60 sechaba sa Basotho se ipusa, khothaletsa hore se se le bale ho leboha Morena Molimo ea tsamaileng le sona leetong lena la lilemo tse 60.

Leha libakeng tse ling lintlafatso li ntse li eba teng, empa ka lehlakoreng le leng e ntse e le mathata, esita le libakeng tse fumanehang Seterekeng sa Maseru. Morena oa Ha Sanaha motseng oa Mauteng, o re litšebelotso tse kang phepo ea motlakase le litsela tse maemong a matle e ntse le qholotso e kholo. Lehla ho le joalo, o re o thabisoa ke hore meferefere le litlolo tsa molao ha ba tsona hajoale, 'me sechaba sa hae se phelisana ka Khotso.

LHDA e etsa tšebetso e tsoileng matsoho ea boloka boieane ba tlholeho nakong ea khaho ea matamo kahar'a naha. Pokeletso ena ea lihloiloeng e kenyeletsa meriana ea mofuta ea litlama e seng e sa fumanehe hohang, 'me tsena li fumaneha Katse Bitancial Garden, re thoholetsa taba eo.

Moarekabishopo oa tikoloho e kholo ea Maseru o re selemo sa 2025 ebile se khethelile haholo, se tletseng mahlohonolo le likatleho mekhalole e fapakaneng ea bophelo ba bakriste le kereke, ka hona sena se secha sa 2026 o se reha '20 sebetsa', kaha ke selemo sa mosebetsi.

MOLIMO A BOLOKE LESOTHO LE BASOTHO

Contacts: +266 28350 466

62600983 WhatsApp

Email: newsroom@moeletsiabasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

Editorial

Lesetsa Rakubutu

(+266) 6203 1949 / 58190670

EMAIL: editor@moeletsiabasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa

LHDA e sireletsa tlholeho



Nthabeleng Seitlheko

Letona la Tikoloho Mohlomphehi Letsema Adontši o thoholelitse Morero oa Metsi a Lihlaba tsa Lesotho (LHDA) ka tšebetso e tsoileng matsoho ea ho boloka boieane ba tlholeho nakong ea khaho ea matamo kahar'a naha. O boletse tsena puisanong le koranta ka la 7 Pherekhong monongoaha.

O bua tjena a ipapisitse le pokello ea lihloliloeng e fumanehang feela Katse Bitanical Garden, e ileng ea etsoa nakong ea khaho ea letamo. O re taba ena e kholo hobane ke ntlafatso tse thusang ho bolokela naha lihloliloeng.

O re tikoloho e lokela ho bolokeha kaha tlholeho e fumanoang libakeng tseo e thusa haholo litabeng tsa bophelo bo botle le hore liphoofolo li se balehisoe ke ho hlekefetsoa. O re ke khotlaetso ea hae hore Basotho ba sireletse tikoloho eo ba phelang ho eona, e le ho bona hore tlholeho e'a ata eseng e lahlehele naha.

Mohlomphehi Mohlomi Moleko, nakong ea ketelo ea hae sebakeng sena ka Tšitoe ngoahola, hlalositse a thabile hobane seo a se boneng ke ntlafalo ea naha kaha batho ba

tla tloha linaheng tsa bo bona ho etsa boithuto ka seo naha e nang le sona. A re ha bana ho bua ka ntho e sieo ha ba rekisa naha, empa ba tla bua ka ntho e tšoarehang kaha e

moruo le ho hohela bohahlauli ba ratang tlholeho.

O itse mererong e moho e kang ena ho ngoaloa nalane e tla phelela esita le sechaba se



le karolo ea ntlafatso ea tlang, a khotlaetso hore

le khahong ea letamo la Polihali ba tsoare ka matla ho ntlafatsa tikoloho, le ho bona hore liphoofolo tse fumanehang libakeng tseo li ea hlokomehela. A re ntho e ileng ea mothabisa ke ho bona ba bolaeang liphoofolo tsa

ong ea tsona, ke kahoo morero o ile oa nka khato ea ho bokella litlama tseo 'nqa e le 'ngoe. E meng ea mesebetsi ea bahlan-ka serapeng sena ke ho bokella lipeo ho etsa hore litlama tseo li lengoe sebakeng seo, ho phelisa le



naha ba nkeloa likhato tsa molao,.

Mookameli serapeng sena sa Katse Bitanical Garden, Mosiuoa Bereng, o hlalositse hore ho sireletsa tikoloho ke ntho e kholo hobane nakong ea khaho ea Letamo ba hleka tsohle tseo eleng limela le boieane ba tlholeho ho bona hore lintho tsohle li lula li bolokehile. O re b'a tseba hore ha ho ahoa letamo metsi a tl'o koahela litlama tse teng sebakng se joalo, ho ka isang timel-

ho matlafatsa tlholeho.

O re bona ba ea li boloka le ho li hlokomela ebe ba etsetsa sechaba boithuto ka tsona hobane li'a fela naheng moo li ka fumanehang. Serapa sena se baballa meriana ea tlholeho, lipalesa le boieane ba tlholeho bo sa fumanehang libakeng tse ling.

A re ha ba rekile lihlahisoa sebakeng seo, ba ikatisetse tsona, empa qholotso e kholo ke phe-to-phetoho ea boemo ba leholimo.



MOELETSI O TŠEHETSA BACHA

Tšeliso Thakholi

Bacha ba khabane e sale qalong ea selemo se secha, rea tseba hore lena le meralo e fapakaneng ea ho iqalla mekhoha ea boipheliso. Potso e kho- lo ke hore na kahare ho meralo ena ea lona e me- tle, le kenyelelitse khoe- bo? Khoebo e bohlokoa haholo moruong oa naha le bophelong ba lona ba letsatsi ka leng. Kajeno re tlii'o bua le mocha ea hloahloa haholo litabeng tsa khoebo, ebile e le mothehi oa sekolo se bit- soang Lesotho Academ- ic Arts and Modelling, e leng ausi Maipato 'Sphe' Mohloai ho ka fana ka malebela, ho bacha ba ka khahloang ho kena kahare ho khoebo le ba seng ba ntse ba le kahare ho eona.

MOKHOA OA HO QALA

Mocha o tlameha ho qala khoebo ka hore a be le lihlahisoa, e be hona a ka tsebang ho rekisa li- hlahisoa tsa hae tse fapa- kaneng. Ho qala khoebo ha se potele e khoatho- ang ka lehlaka, 'me ho na le liqholotso tse ngata, ka hona ho hloka mocha ea nang le lerato le mamello ea eona. Mocha oa hae- so ea seng a ntse a itok- isetsa ho tla qala khoebo tseba hore ho na le liqho- lotso tse kang tahlehelo le tšenyehelo.

LINTHO TSEO MO- CHA A LOKELANG HO LI ELA HLOKO

Mocha h'a batla ho kena khoebong hona le lintho tse 'maloa tseo a lokelang ho li ela hloko tseo har'a tse ling tse ngata li kenyeletsang ho hlahisa thepa ka moralo oa ho tla rekisa e seng feela bakeng sa lelapa le metsoalle.

Potso ea pele eo mocha a lokelang ho ipotsa eona ke hore na o tlii'o rekiset- sa bo mang? Sena se tla thusa hore a se ke a



iphumana a hlahisa lihla- hisoa tseo bareki ba sa li hlokeng.

BOHLOKOA BA KHOEBO

Ha o e-na le khoebo o eketsa tlhahiso ea mesebetsi kaha e se e tlii'o kenyeletsa batho ba bangta, ha re hlahisa le ho rekisa re le banga- ta taba eno e etsa hore litheko li theohe libakeng tseo le hlahisetsang ho tsona. Haeba ke kahar'a naha taba eno e re thusa ka hore ha re rekisetsa linaha tse ling, re tloha lithekong tsa rona tsa

hae, re ea holimo ebe re etsa phahello.

'MARAKA

Batla 'maraka pele ho tl- hahiso e le hore ha lihla- hisoa tsa hao li tsoa o be o se o ntse o tseba hore na li hlahisetsoa bo mang ka lipalo tse kae. Ha o le mohlalisi o tlameha hore o be o tseba hore na o il'o rekisa boleleleng ba se- baka se se kae. Mohlala haeba o phela Maseru, o il'o rekisetsa motho Maf- eteng, o tlameha ho tse- ba hore na o tlii'o rekisa ka litefiso tse kae e le

ho koala litšenyehelo tsa hao le ho lata lintho tseo e ka bang oa lihloka tlha- hisong ea hao.

Qoba ho isa lihlahi- soa tsa hao hole moo litšenyehelo tsa tlhahiso li ka bang holimo haholo ho tseo o rekisang ka tsona.

LIKOPANO

Ha o le rakhoebo ha hona le likopano tsa ba- hoebi moo ho il'o buisa- noa ka litaba tsa khoebo kapa hona ho hlahlellana ka malebela, o lokela ho ba teng o kopane le ba- hoebi ba bang ho ithuta

tse molemo tse ka li fu- manoang liphuthehong tsa mofuta o joalo.

KELETSO

Re ke re leke ho naha- na ka tsela e fapakaneng le ea pele. Bao e bang likhoebo tsa bona li ile tsa oela ba tsohe hape selemong sena se secha ba bone hore b'a li holisa. Ke le lakaletsa selemo se hlohonolofetseng le likatleho. Ba ka ratang ho tšoana le 'na ba latelle le ho rata litalenta tsa bona haholo. E bang le mamel- lo kaha e tsoala katleho.

YES e qalipolla ‘muso M3.4 billion



Nthabeleng Seithleko

Lekhotla la Lipolotiki la Yearn For Economic Sustainability (YES) le ntšitse polelo moo le reng le ngongorehile malebana le tšebeliso ea chelete e M3.4 Billion ke ‘muso oa Lesotho ka thoko ho netefaleltsa ea paramente le Molao oa Motheo oa naha. Litaba tse-na li tiisitsoe ke Mothehi oa Lekhotla lena, Molefi Ntšonyane, Puisanong le Koranta ka la 7 Pherekhong monongoaha.

O tiisitse hore ‘Muso oa Lesotho o sebelisitse 3.4 Billion ntle le tumello ea paramente, ‘me hoo ke khatikelo Molao oa Motheo, ho ea ka khaolo ea 112 e buang haholo ka hore na lichelete tsa sechaba li lokela ho tsoaroa joang. A re chelete ea sechaba efe kapa efe e tsoang kahar’a mokotla oa ‘muso e lokela ho sebelisoa tlas’a mabaka a hlakileng.

O re ke khatikelo hape ea khaolo ea 113 e buang ka letlole la tlokotsi la naha, e reretsoeng ho sebelisoa nakong ea tlokotsi, e sebelisitsoeng ho se na tlokotsi e teng. O re chelete e tsoileng kahar’a mokotla ona ebile 1 Millione e ileng ea sebelisoa leetong la Motlatsi oa Tona-Kholo ho ea Brazil. Ho boetse ho hatiketsoe khaolo ea 114 e leng e buang ka mokotla o moholo oa ‘muso.

O re tšoenyeho ea bona ke hore chelete ena e sebelisitsoeng ene e sa kenyeletsoa likhakanyong tsa lichelete tsa 2024 - 2025, kahoo ba tla leba ho PAC hore e fuputse se etsahetseng ka lichelete tsena lehoja e le

hona ba tla ba ngolla hang ha ba boela mosebetsing, ba bone hore ba bitsa letona hore le tlo hlalosa tšebeliso ea chelete ena.

A re litaba tsena li amoha naha seriti, ebile qetellong batho ba tlo qetella ba sa hlomphe molao oa motheo, e tla ba tloaelo hore maparamente a tloa molao. O re ke ho silafatsa naha le ho tsoa litumellano tsa tšebetso fatše, hape ke tlole ea molao hore ‘muso o iketsetsa borata o sa natse taolo ea paramente.

“Muso ha o sa hlomphe maparamente, ho nonyetisa puso ea sechaba ka sechaba, ho iketsetsa liqeto o sa natse maikutlo a paramente ho ea ka molao”.

H’a phethela o bile a fana ka molaetsa oa hae maqalong a selemo sena sa 2026, moo a lakalelitseng sechaba, mahlohonolo le bophelo bo botle. A re bacha ba eme ba loanele tokoloho ea bona, kaha ha ba tseba ho loanela tokoloho ea bona ba ke ke ba sotleha naheng ea habo bona.

A re bacha ba lokela ho nka khato, ba se ke ba qeaqea ba khethane e le bacha ba buse naha, ba se ke ba nahana lintho tse ngata ba phahamisane e le bacha, hobane ba hloka ho fetola boemo hona joale e seng hosane, ba hloka ho nka taolo holim’a naha ea bo bona, ba hloka ho ngola nalanane ea naha ea bo bona.

Bacha ba BAP ba seboko

Nthabeleng Seithleko

Mongoli Kakaretso oa Lekhotla la Bacha la BAP Francis Rateane, o re ba etse hloko mathata a ba tobileng a ho se fumane bosebeletsi bo potlakileng malibohong a Naha ea Lesotho. Taba eo e sitisa bahoebi ba banyenyane le ba baholo ho tsamaisa thepa habonolo. Tsena o li boletse ka la 7 Pherekhong monongoaha.

O re taba ena e se e le nako e telele e etsahala, ‘me e etsang hore bahoebi ba sitoe ho fihlisa thepa ho beng ba eona, a re seo se ama khoebo le khoebisano hampe le ho theola tšepo ho sechaba hoo likhoebo li ka putlamang. O re ho pheloa nakong eo lefatše le hoebang ka marang-rang, ‘me Lesotho joaloka naha e ntse e thuthuha litabeng tsa tsoelopele, e lokela ho sebelisa marang-rang lithaleng tse fapakaneng ho thusa hore Basotho ba kene khoebong.

A bontša hore taba ena e nonyetisa moruo kaha thepa e qetella e feta ka likhoroana tsa matsa ebe e qetellang e kena kahar’a naha

e sa siela naha letho. O re litaba tsena li ama lekhetho la SACU ‘me lekeno le fumanehang ho hlaha moo lea ameha.

O re seo ba ithutileng sona ke hore Setsi sa Pokello ea Lekhetho se tlameha ho ntlafatsa marang-rang, a thusang hore litšebeliso li fanoe ka nako, eseng ho khobokanya batho ha ba lokela ho fetisa thepa ea bona, le ho qoba thepa tse kenang ka likhoroana tsa matsa. O re bacha ba haelloa ke tsebo ea hore na ba sebetsa litaba tsa makhetho joang, a re e lokela ho arabela litaba tsena ka ho koetlisa bacha hore ba tsebe ho hoeba ka tsela e nepahetseng.

Har’a tse ling o hlalositse hore hona le likhoebo tse ntseng li thuthuha e tsa mecucu, RSL etsoe letšolo ho thusa hore ba fane ka thuto hore ba lefe lekhetho, ka lebaka la moruo o tetemang Basotho ha ba ngolise likhoebo hobane ba iphapanyetse ho lefa lekhetho. A re ke boikarabello ba bohle ho bona hore ba fana ka thuto ho sechaba.

H’a phethela, o hlalositse hore Basotho ba kene khoebong hobane e molemo, e hlalisa mesebetsi, le ho bacha lekhetho le bokelloe litaba tsohle ba li sebelitse ka molao ho kenya letsoho kholong ea moruo.



TSEBISO!

Mona ke tsebiso ea hore re le litho tsa mokhatlo oa Lesotho Veterinary Medical Association, re lahlehetsoe ke tokomane ea molao oa motheo oa mokhatlo. Nomoro ea ngoliso ke 87/36.

‘Me re kopa mang kapa mang ea ka tholang molao theo kapa ea ka bang le khanyetso ea taba tsena a itlalehe liatereseng tsena, nako ea libeke tse tharo ka mora phatlalatso ena.

Ofisi ea Mongoli kakaretso	Department of Livestock Services
Government Complex	P/Bag A82
Pela Queen II ea khale	Maseru
P.O.Box 33	Lesotho
Maseru 100	

<https://whatsapp.com/channel/0029VaksSPUJUM2dmiGDNh20>

Follow Moeletsi oa Basotho

Official WhatsApp Channel

and stay connected!

Fumana litaba tsa morao-rao, litsebiso, likhatiso le tse ling ka potlako ka menoana feela!

WhatsApp: 6260 0983

www.moeletsioabasotho.co.ls

IEC e sekehela Lekala tsebe

Nthabeleng Seithheko

Ele ho matlafatsa bophelo bo bottle ba sechaba, Komisi e Ikemetseng ea Likhetho (IEC) e ile ea kena letšolong la ho fana ka mali ka Tšitoe Ngoahola.

Mookameli oa Komisi e Ikemetseng ea Likhetho (IEC), Adv. Mphaiphele Maqutu, o hlalositse hore letšolo lena le entsoeng ke komisi ke karolo ea ho phamolela holimo kopo ea Lekala la Bophelo ea phano ea mali kahar'a sechaba. O re ho bohlokoa hore batho bohle ba ikamahanye le khoelehetso ena hobane e thusa ho boloka bophelo ba e mong le e mong nakong eo a hlohang ho fuoa mali.

O hlalositse hore ho bohlokoa hore batho ba se nke litaba tsa phano ea mali li etsoa nakong ea kopo empa ebe tsela eo batho ba ka phelang ka eona nako le nako. A re o thabile ho bona boikitlaetso ba basebetsi 'moho le eena hobane le bona ke batho ba nka maeto. O bile a teeja mohlala ka hore motho a ka hloka mali hobane a bile le kotsi kapa a ena le bokulo bo itseng, hore a phele a lokele ho fuoa mali.

H'a phethela o ipilelitse ho Basotho ho tšehetsana, bona hore setsi sa pokello ea mali ha se hloke mali e le hore a se ke a kototsoa empa a fumanehe nako eohle.

Mohlomphehi Thabiso Lekitla o hlalositse hore o ile a khahloa ke khoelehetso ena ka le reng, a ba tsebe ba phethahalitse letšolo la phela o phelise. O re ke boikarabello ba Mosotho e mong le e mong ho bona



hore o fana ka mali hobane bang a hlahlobiloe ka nepo, nako eohle.
hoo ke ho bolulela bophe- a boela a bontša hore ke Setsibi sa pokello ea mali,



lo ho Mosotho ea maqak- ntho e bonolo hore mali ao Reabetsoe Mampa, o itse
abetsing. motho a faneng ka ona a ka motho ea fanang ka mali o
A ipiletsa ho Lekala la boela a sebetsa ho eena ho lokela e be motho ea jeleng,
Bophelo ho bona hore ba latela mathata a bophelo le ea lilemo li 16 ho isa ho 60.
fetisetsa mali ho Basotho ba tsietsi e ka hlahelang motho A re motho ea sebelisang

litlhare tsa bophelo bohle ARVs ,PrEP , litlhare tsa mohlomi, tsoekere, ea nang le phallo e phahameng ea mali, Lefuba, lefu la pelo, mofetše, mokhachane le ea nang le lefu la ho oa ha ba fane ka mali. Le ha hole joalo, a hlalosa hore batho ba sebelisang litlhare tsa bophelo bohle tsa phallo e phahameng ea mali (High Blood) le ba nang le Asthma, ba lumelletsoe ho fana ka mali empa ba hlahloba tšepe 'meleng, ha e le sieo ha ba nke mali. Boima bo lokela hoba 50kg, le ho hlahlojoa phallo e holimo ea mali ha li thatlhobo liatlehile motho o khuoa mali a 500ml.

O re banna ba ka fana ka mali makhetlo a 6 ka selemo ha basali ba fana ka makhetlo a mane ka selemo hobane khoeli le khoeli ba lahlehela ke mali ba bile ba ena le lithara tse hlano tsa mali 'meleng ea bona, ha banna ba ena le lithara tse 6 'meleng ea bona.

H'a tsoelapele o re ho fana ka mali ho hloekisa 'mele, ho fokotsa sekahla sa mafu a sebete, mofetše le phallo ea mali e holimo, 'me ho ea seng a ntse a ena le phallo e holimo ea mali eena, a ka sebelisa phano ea mali e le booki. A re ho beha motho boemong bo bottle ba hore 'mele o iketsetse mali a mang, mali h'a ile a khuoa a khutlela 'meleng oa motho kamor'a matsatsi a mararo, le sesole sa 'mele se ba hantle.

E mong oa basebetsi ba tšireletso Letlao Seberetlane oa Mapoteng, o hlalositse hore ke lekhetlo la hae la pele a fana ka mali, kahoo o thabile hore ebe o pholositse bophelo. A re o rata hore qetellong a tle a tsebe ho thuseha, a bile a tseba hore o sebetsana le bophelo ba batho khafetsa.



Lesotho le tobane le tlhokahalo ea mesebetsi

Tšeliso Thakholi

Motlotlehi Letsie III o re Naha ea Lesotho e tobane le mathata a mangata a kang a moruo o tetemang, tlala, khaello ea phepo e nepahetseng le tlhokahalo ea mesebetsi haholo-holo bacheng. O buile tsena molaetseng oa hae oa litakaletso tsa mahlohonolo a selemo se secha ho sechaba sa Basotho ka la 31 Tšitoe ngoahola.

Rabasotho o itse kahare ho tsena tsohle sechaba se boetse se hlorisoa ke liketso tsa botlokotsebe le bokhopo tse silafatsang bo leng ba sechaba sa Basotho, tse kang tliekefetso ea bana, baroetsana le basali. "Ka bomalimabe boholo ba liketso tsa tliekefetso li ntse li phahama letsatsi ka leng, 'me re tlalehelo hore har'a banana ba lilemo li 15 ho ea holimo le basali ke 37% e kileng ea hlaheloa ke bomalimabe ba ho hlekefetsoa ke bahlankana le banna ba haufi le bona." A rialo.



Motlotlehi o bontšitse hore lipalo tsena ke sesupo sa hore tliekefetso ea bana, baroetsana le basali e se

sireletsa barali, likhahitseli le basali, ka ho khalema le ho tsoela ka mathe liketso tsena tse hlokanang botho. A leboha ka tsela e khethehileng bathusi le basebetsi bohle ba hlokomelang le ho hlabolla mahlatsipa a thekefetso. "Mosebetsi oa bona o boima e bile o thata empa ba o etsa ka boitelo, mamello, qenehelo le lerato."

A tsoelapele ka hore a mang a mathata ao sechaba se tobaneng le ona ke tlala le maemo a phepo e nepahetseng. Ka hona re tlameha ho sebelisa monyetla ona oa mongobo o mongata mobung ho loantša tlala, bofuma le ho akofisa phepo e nepahetseng.

A re joaloka motjoli oa Mokhatlo oa Kopano ea Afrika le Mokhatlo oa Lijo le Temo oa Machaba a Kopaneng, o etsa khoeheletso ho mafapha ohle a sechaba le ho 'muso ho tsetela ka matla matšolong a ho matlafatsa phepo e nepahetseng, hobane ho hlakile hore ke o mong oa metheo

ea bohlokoa ea tsoelopele ea sechaba le kholo ea moruo oa naha.

A re selemong sena sa 2026 Lesotho le keteka lilemo tse 60 sechaba sa Basotho se ipusa, 'me a ipiletsa ho sechaba hore ha se ntse se keteka se se ke sa lebala ho leboha Morena Molimo h'a tsamaile le sona leetong lena la lilemo tse 60 naha e ipusang. "Hape re se lebaleng hore re sechaba se thehiloeng holim'a mekolokotoane ea khotso, lerato le bonngoe. Ka hoo mesebetsi, liketso le lipuo tsa rona ebe tse boulelang le ho sireleletsa litšiea tsena tsa bohlokoa sechabeng sa Basotho." A rialo.

Rabasotho a qetella molaetsa oa hae ka ho lakaletsa Mosotho e mong le e mong mahlohonolo a selemo se secha. A re e se e ka Morena Molimo ea matla ohle a ka ba hlohonolofatsa ka moea oa thabo le tšepo lipelong le likelellong tsa bona, 'me a ba sireletse le ho atlahisa merero eohle ea bona ea ho ntlafatsa bophelo ba bona le ea ho holisa naha ea habo bona.

Bophelo bo thatafalla baahi

Tšeliso Thakholi

Ka lebaka la tlhokahalo ea litšebeletso tsa mantlha tsa bophelo tse kang phepo ea motlakase le litsela tse maemong a matle, sechaba sa Mauteng tikolohong ea Matsieng se ntse se le morao haholo mafapheng a fapakaneng a bophelo le ho tsamaea lihora tse ngata ho fumantšoa litšebeletso.

Tsena li hlahelletse pui-sanong le Morena oa Ha Sanaha motseng oa Mauteng, Morena Sanaha Tumaki Leuta, moo a llang ka tlhokahalo ea litšebeletso tsa mantlha tsa letsatsi ka leng. "Tlhoko e kholo eo re nang le eona ke motlakase. Tabeng ena ke nka re lahluoe khrehloa joaloka 'moko oa pere ke babusi hobane ha motho a sheba, Mauteng e seterekeng sa Maseru e leng hore ke toropong. Ha se motse o lokelang hore e be o hloka phepo ea motlakase. Hantle-ntle re haufi le borena bo boholo ba Matsieng."

A re leha ba le lehlohonolo hakana la hore ba pel'a Morena oa Sehlooho oa Matsieng le Motlotlehi

Rabasotho empa ke bona ba sotlehileng le ho sokola ho feta sechaba sohle. A re bothata bona boo a llang ka bona bo etsa hore sechaba sa habo se be morao haholo litabeng tsa lintlafatso le ho itlhlahisetsa mesebetsi. Ka hona karolo e kholo ea sechaba e se e phela metseng ea litoropo moo e sebelisang litalenta tsa eona ho iphelisa, tse ka beng li ntlafalitse sebaka sa Mauteng ha motlakase o ne o le teng.

A re ho latela maemo a hajoale mona moo ho bonahalang naha e se e jele boea, sechaba se lula se le matsoalong a maholo ha letsatsi le qala le likela ka lebaka la lefifi. "Re kopa ba bohlong ho sheba sechaba sa Mauteng ka leihlo la mohau se mpe se fumantšoe motlakase se tsebe ho phela ha monate joaloka Basotho ba bang." O bolelise joalo.


Har'a mathata a mang, Morena Leuta o hlalositse hore ba phela kathata ka lebaka la maemo a litsela tse hokahanyang motse oa Mauteng le metse e meng e oelang tlas'a ona kaha li le maemong a hloabaetsang. A etsa mohlala ka tsela e tlohang motseng oa Mahloenyeng e leba Mauteng e

kileng ea lokisoa lilemong tsa ho feta, 'me hajoale e senyehile hoo likoloi li seng a fihla ka thata haholo. A re sechaba sa habo se sokola hoo ba pepang bakuli sebaka se selelele ho ba isa sepetlele Morija. A re tšabo ea hae ke hore bakhachane ba tla qetella ba pepela tseleng ho latela litsela tse mphe le hore ba tsamaea sebaka se selelele haholo ka maoto ho ba isa tseleng ea letšoana.

Potsong ea hore na ntle le mathata a tlhokahalo ea motlakase le litsela tse seng maemong a matle, na ebe litlolo tsa molao tse mo tšoenyang ke li fe. Morena Leuta o boletse hore lintho tse ngata tsa mefere-fere le litlolo tsa molao ha ba na tsona hajoale, 'me sechaba sa hae se phelisana ka khotso.

A qetella ka hore sechaba sa hae se phela ka temo le leruo la liphoofolo, 'me a ipiletsa ho ba bohlong ho matlafaletsoa lihlahisoa tsena tsa bona e le hore ba tle ba qetelle ba iphelisa ka tsona ka mokhoa oa ho li fetola khoebo. Ho feta moo, ba bang ba baahi ba Mauteng ba hlalositse hore ba phela hamonate pusong ea Morena Sanaha Leuta, ba mpa ba tšoenngoa feela

ke lefifi. "Ha motlakase o ka ba teng re ka tseba ho itlha-



hisetsa mekhoha ea ho phelisa malapa a rona. Re batla motlakase le tokiso ea tsela ena e tlohang Mahloenyeng e tla koano metseng ea habo rona." Ke bona bao.

ESTATE NOTICE

Estate Late NTYPE ENOSE MATAMANE E1730/2025

Notice is hereby given in terms of section 61(b) of the Administration of Estates and Inheritance Act No.2 of 2024 calling upon all creditors of the deceased to lodge their claims with the administration of the deceased's estate within thirty (30) days of this publication. The address at which the said claims can be lodged is mentioned hereunder;

HA JIMISI, MAZENOD MASERU (+266) 56684984

LI SE NTSE LI FUMANEHA MABENKELENG
A RONA

LIBUKA TSA SESOTHO

- MOSALI A NKHOLA = M195.00
- THOLOANA TSA SETHEPU = M130.00
- BOCHABA BA BASOTHO = M203.50

ENGLISH BOOKS

- CRY BELOVED COUNTRY = M343.50
- LGCSE Directed Writing Manual = M231.50
- Situational Composition = M222.00
- UNDERSTANDING AND COMMUNICATION 4 = M250.00

U ka re letsetsa ho fumana
moo lishopo tsa rona li leng hona
teng seterekeng sa hau.


BACK TO SCHOOL



M96.00



M100.00



M108.50



M195.00



M155.00



A5 M156.00

A4: M75.00

27 350 562 / 57396597 / bookcentre@mazenodprinting.co.ls



TSA KEREKE

Selemo sa 2025 ke sa likatleho

Tšeliso Thakholi

“Selemo sa 2025 ke se nka e le se kheth-ehileng haholo, se tletseng mahlohonolo le likatleho mekhahlelong e fapakaneng ea bophelo ba bakriste le ba Kereke. Ka hona sena se secha sa 2026 ke se reha '20 sebetso' kaha ke selemo sa mosebetsi.” Tsena ke lipolelo tsa Mobabatsehi Gerard Tlali Lerotholi OMI, moketeng oa ho mo lebohela le ho mo lakaletsa bophelo bo bottle le mahlohonolo a selemo se secha, o bileng mabaleng a Sebaka sa Bolulo sa hae se seng se bitsoa Pope St. Paul II khubung ea Motse-Moholo Maseru ka 31 Tšitoe ngoahola.

Ha a tsoela pele Mobabatsehi o ile a lokolisa likatleho tseo Kereke e li fihletseng selemong se sa tsoa feta, moo a bontšitseng hore e itse ha selemo se thakhoha feela, o ile a amohelisa bana ba 347 Sakramente ea Tiisetso mane Ha 'M'a Jesu, Roma. A boela apesa litho tsa Kopano ea Baena ba Setefane tse 577 hona Parishing ea 'M'a Jesu.

A re ka la 9 Hlakola 2025 baprista le baitlami ba bile Bocheletsana lekhetlo la pele

Katholike Lesotho (LCBC), ba bile phuthehong e kholo e neng e tšoea le ho keteka Jubile ea lilemo tse 50, Seboka sa Babishopo ba Linaha tsa Tikoloho e ka Boroa ho Afrika(IMBISA) se thehiloe, e neng e tšoaretsoe Naheng ea Eswatini.

A bontša hore litaba tse ling tse monate e bile tsa hore Tikoloho ea Leribe e ile ea fuoa Mobishopo e mocha e leng Mobishopo Vitalis Marole OMI, etsoe mohlape o se nang molisa o'a lahleha le ho ferekana. A supa hore ketsahalo e 'ngoe e kholo ka ho fetisisa ke hore Kereke e ka Lefatše Lohle, e ile ea fuoa Mopapa e mocha e leng Mopapa Leo XIV kamor'a ho lahleheloa ke Mopapa Francis. "Re leboha Molimo ea ileng a re fa molisa kapele. Ka ho khothetholoha re ile ra fuoa Mohalaleli e monyenyanen haholo e leng Carlo Acutis ea Halalelang." A rialo.


A hlalosa hore selemo sa 2025 se ile sa koaloa ka Jubile ea lilemo tse 25 Batlotlehi ba ntse ba bolokile likano tsa bona tsa bophelo ba lenyalo. A leboha bakriste ka tšebetso ea bona e makhethe ketekelong ea Jubile ea Tšepo. A tšelisa likopano tsa bakriste, baprista le baitlami ba ileng ba lehleheloa ke bang ka

sana, peho ea Bro. Sidwell Moerane Bopristeng bo Halalelang le 'moka o moholo oa LCBC oo Leqosa la Rabalumeli le tla beng le etetse Lesotho. 'Moka ona o tli' o tšoareloa Maria 'Mabasotho ka la 1 Hlakola 2026.

Lebitsong la bakriste Mofumahali Elizabeth Matšaba o lebohetse Mobabatsehi ka bophelo bo bottle boo Morena Molimo a ileng a mo sitsa ka bona selemo kaofela. A mo tlotla ka hore o entse mosebetsi oo Morena Molimo a mo bilelitseng ona ka bokhabane bo boholo. "Ka tšepo le tumelo eo re nang le eona re ea tseba hore le selemong se secha o tla be a ntse a u bolokile, a u babaletse le ho u matlafatsa mosebetsing oa hau." Ke Matšaba eo.

Sr. Jesenta Rantšo lebitsong la baitlami o boletse hore baitlami ba lebohela Mobabatsehi le ho leboha mesebetsi eo a ntseng a e etsa, e seng feela ho baitlami empa le ho bakriste bana bao ba tsamaisanang leeto lena 'moho, "joalokaha re le Kereke e tsamaeang 'moho."

Fr. Allard Bohali o boletse ha baprista ba lakaletsa Mobabatsehi katleho le mahlohonolo a selemo se secha, 'me a bile a tiisa hore selemo sa 2025 se bile



ba kopane 'moho ho inehe- la ka lipelo tsohle tsa bona hore ba tla sebeletsa Kereke ea Morena Molimo. "Taba eo e kholo haholo." A re ka Loetse Kereke e ile ea fuoa badiakone ba 5 ka mokete o moholo oa Tlotliso ea Sefapano se Halalelang. A re bona e le Babishopo ba Kereke e

bona.

A qetella ka hore selemo sa 2026 ke sa mesebetsi moo har'a e meng a itseng ka khoeli ena ea Pherekhong o il'o hlohonolofatsa le ho bula Kereke e ncha e ahiloeng ke bakriste sebakeng se bitsoa Khomo-li-ileng, Thaba-Tseka, phano ea Kereke Bochelet-

le likatleho tse ngata se ba fileng tšepo haele mona bohle ba bua ka tšepo le selemong sena se secha. "Re le baprista le baitlami re u bolella kapel'a bakriste bana hore re teng ho u tšehetsa mesebetsing eohle eo Morena Molimo a u fileng eona." Ke eena eo.

2025-2026 SELEMO A

MOKETE OA TLHATSUO EA MORENA



Isaia 42:1-4.6-7
Pesalema 28
Liketso 10:34-38
Matheus 3:13-17



Khothatso

Hlatsuo ea Jesu e re hopotsa hlatsuo ea rona

Moprofeta Isaia o bua ka "mohlanka oa Molimo" ea lokelang ho tla; o mo hlalisa e le Morena, Moprista le Moprofeta. Mohlanka oa Molimo o tla utloisoa bohloko ka baka la batho 'me o tla bolaoa, e le ha a etsa thato ea Molimo ka mokhoa o phethehileng. Empa Molimo o tla mo tso- sa 'me o tla mo tlotlisa.

Mohlanka oa Molimo ke Kriste, ea tlleng ho ruta Bajodi le balichaba molao o mocha oa Molimo, e leng molao oa lerato le mohau. Kriste, Mora oa Molimo, o ile a iketsa e mong oa rona, a tle a tsebe ho ema lebitsong la rona, ho mamela Nta'a rona le ho mo sebeletsa ka mokhoa o phethehileng. Mamelo ena e phethehileng e mo isitse lefung la sefapano, leo a le amohetseng ka thabo bakeng la rona. 'Me ka ho re shoela, o re entse bohle, Bajodi le Balichaba, bana ba Nta'a rona ea maholimong.

Re le litho tsa 'mele o tsotehang oo Kriste e leng hlooho ea oona, re ka nehela Molimo tšebeletso e mo lokelang, 'me Molimo o khahlola ke tšebeletso ena e etsoang ka Jesu Kriste. Ke eona tholoana ea pele ea Hlatsuo ea rona: Leha re fokola joang kapa joang, kapa re entse libe tse ngata bophelong ba rona bo fetileng, ka Kriste, re ka nehela Molimo sehlabelo se mo tlotlisang ka mokhoa o phethehileng. Re fetohile bahlanka ba molemo 'me ba tšepahalang ka baka la Kriste, Mora oa Molimo ea ikentseng mohlanka oa Molimo lebitsong la rona.

Ketsahalo ea Hlatsuo ea Morena eo re etsang khopotso ea eona, leha e le ketsahalo ea khale-khale, rona bakriste, re sitoa ho e lebala. Hlatsuo ea Joannes e ne e le bakeng la baetsalibe ba bakileng, ba ratang ho khutlela ho Molimo. Kriste, eena, o n'a se na sebe 'me o n'a sa hloke ho khutlela ho Molimo, empa o n'a emela rona baetsalibe, 'me ka ho rata ho hlatsuo bitsong la rona, a re bulela monyako oa pholoho.

Tšebeletsong ena, Molimo o mo phatlalatsa e le Mora oa hae le mohlanka oa hae ea tšepahalang, 'me matla a Moea o Halalelang a theohela ka ho eena. Re bile ra etsoa bana ba Molimo, ka eena le ho eena. Ha re se re tsebile 'nete ena, re ka hana joang ho hlonepha Nta'a rona ea re fumants'itseng ntho tse kholo hakaalo? Ho mo hlonepha ha se ho etsa lithapelo feela kapa ho ea Kerekeng ka Sondaha, empa ke ho boloka, ka tsatsi le leng le le leng, melao eo Kriste a re fileng eona.

Ka nako e 'ngoe, re ka fumana ntho ena e le boima, empa hang ha re nahana 'me re hopola hore moputso oa eona ke bophelo bo sa feleng, re ikutloa re ka mamella mathata 'ohle a bophelo ba rona. Lithuto tsohle tseo re li balileng ka nako ea Tsoalo ea Morena, li ile tsa re hopotsa liketso tse tsotehang tsa boikokobetso, tseo Kriste a li entseng bakeng la rona. Ketso e kholo ho feta tse ling e bile ea ho iketsa motho: ha 'Mopi a iketsa 'mopuo, Morena a iketsa lekhoba.

E 'ngoe e bile kamohelo eo a ileng a e fuoa ke rona batho: ha rea ka ra mo amohela ho hang, ra sitoa ho mo suthela ntlo, a tlameha ho balehela Egepete ka baka la Heroda, a phela bophelo ba mafumanehi. A jara tsena tsohle ka baka la rona. Empa teboho ea rona ke efe? Re lebala ho mo leboha; ho feta moo re mo soa-bisa ka libe tsa rona tsa letsatsi le leng le le leng. 'Me re belaela kapele ha re kopjoa ho mo sala morao tseleng ea boikokobetso le mahloko.

Mothusi ofe kapa ofe lefatšeng, ha a bona teboho eo re fanang ka eona ha re se re amohetse mpho tse kholo hakaalo, a ka re lesa hore re itšokolele ka bo-rona. Empa Molimo ha se mothusi oa lefatše. Molimo ha se motho. Mohau oa hae ke o se nang moeli. Joale o tsoelapele ho re thusa ka tsatsi le leng le le leng.

A re nahaneng ka litaba tsena tsohle: mathata a rona, lietsietsi le likhathatso tsa rona li tla nyamela, hobane re tla fumana hore ha se letho ha li bapisoa le seo Kriste a se entseng bakeng la rona.

Bahalaleli har'a Beke

12	Pherekhong	Tatiana
13	Pherekhong	Yvette
14	Pherekhong	Sava
15	Pherekhong	Nina
16	Pherekhong	Melas
17	Pherekhong	Pior

Sehopotso sa Fr Fernando Boissonnault OMI (Ntate Buasono)



Fernando Boissonnault 1896-1981

Ka Lelapa la Ntate Julius Langa Moetsana

Nalane ea tso-tello, mosa, le qenehelo ea morumuoa oa Canada ea phetseng har'a Basotho.

Molisa Oa ba Lahlehileng: Fr Fernando Boissonnault OMI

Nalane ea Afrika e ka Boroa e ikhantša ka litaba tsa batho ba ikhethang bao liketso tsa bona tsa mosa le lereko li ileng tsa tlola meeli ea setso le lichaba. E mong oa batho bao ke Fr Fernando Boissonnault OMI, morumuoa ea neng a tsoa naheng ea Canada. Fr. Boi OMI e ne e le moprista oa kereke e Katholike, e le ngaka eo mosebetsi oa hae oa botho o ntseng o eso le balehe lipelong tsa Basotho. O hlalile ka selemo sa 1896 naheng ea Canada lapeng le neng le na le bana ba robeli. Fr Boissonnault OMI o ile a khetha Boprista kamor'a ho hloka hla ha kharebe ea hae eo a neng a ithuta bongaka le eona boemong ba thuto e phahameng (Junivesithi). Fr Boissonnault OMI o ne a ike-miselitse ho mo nyala. O fihlile Lesotho ka selemo sa 1929. Lipakeng tsa lilemo tsa 1930 le 1931, o ile a tsoela pele ka mosebetsi oa thomo ea hae 'mishoneng oa St. James, Mokhotlong; moo a ileng a hlatsoa le ho reha Moarekabishopo Alphonse Gregory Morapeli OMI lebitso. Ke ka nako eo ea tšebeletso ea tlhatsuo moo a ileng a profeta hore ngoana eo a mo rehileng Alphonse Gregory, e tla ba mobishopo hamorao bophelong ba hae. E bile mosebetsi litsing tse fap-

burg, bomalimabe bo ile ba oela lelapa la Moetsana ha hlooho ea lelapa, Ntate-moholo Puso Sylvester Moetsana, a hloka hla ka tsela e makatsang ka selemo sa 1940, 'me masapo a hae a nyamela. Sena se ile sa siea mofumahali le bana ba hae ba le tlokotsing 'me ba

si ho lelapa la Moetsana. Ha a ka a fana ka bolulo le lijo feela, empa o ile a fana le ka tšehetso ea maikutlo le ea semoea eo lelapa la Moetsana le neng le e hloka haholo. Ketso ena ea Fr Boissonnault OMI ea ho holisa lelapa la Moetsana e tsoana le papiso ea Mosamaria ea Mole-

labo le ile la boela la mo thusa ka lisebelisuo tsa temo tse kang mochine o helang koro le tse ling. Ka selemo sa 1960, o ile a behoa 'mishoneng oa St. Cecilia, Ha Mabekenyane seterekeng sa Berea. O ile a fallela St. Cecilia le lelapa la Moetsana moo a ileng a the-



Fr.Fernando Boissonnault OMI le mor'a hae ea a mo holisitseng, ntate Julius Langa Moetsana.

sa tsebe hore na bokamoso bo ba tsoaretse eng. Nakong eo tšepo e neng e bonahala e lahlehile, e bile Fr Fernan-

mo ea ileng a bona mahlomola 'me a araba eseng ka mantsoe, empa ka ketso ea mohau le kutloelo-bohloko. Lehae la hae

ha setsi sa kokelo, tleleniki e bitsoang Buasono Dispensary ho fana ka litšebeletso tsa bophelo bo bottle ho sechaba le metse e tikolohong eo. Fane ea hae, "Boissonnault," e ile ea fetoleloa Sesothong 'me ea e ba "Buasono,". Le kajeno sebaka sa Ha Mabekenyane sa tsebahala ka hore ke **"Ha Buasono"**. Tleliniki ena ea Buasono, moo a neng a sebet-sa le Ntate Julius Langa Moetsana, e ne e fana ka pheko, meriana, le tšehetso ho malapa a neng a se na mokhoa oa ho fihla lipetlele. E ile ea fetoha setsi sa bohlokoa sa bophelo bo bottle, ea fokotsa moralo oa ho nka maeto a malelele ho ea Maseru le litoropong tse ling. Ntate Buasono o hopoloa e le moprista ea nang le kutloelo-bohloko ea neng a hlokomela lithoko tsa moea le tsa 'mele tsa sechaba sa Basotho.

Ntate Julius Langa Moetsana (eo sechaba sa tikoloho ena se neng se mo bitsa Ntate Laka) o ile a ntšetsa pele mosebetsi ona ka ho netefatsa hore tleliniki ea Ntate Buasono e lula sebakeng sona seo sa Ha Mabekenyane (Ha Buasono) kamor'a lefu la Ntate Buasono ka la 10 Pherekhong 1981. Kaha Ntate Julius Langa Moetsana le lelapa la hae ba ile ba tlameha ho tsoa setšeng sa kereke sa 'mishone oa St. Cecilia, kamorao ho hore Ntate Buasono a hloka hla, setša se pela tsela e kholo ea Main North 1 moo Ntate Julius Langa Moetsana a ileng a tsamaisa tleliniki ea Buasono ho tlo-

aneng Lesotho le Afrika Boroa. Har'a tsona re ka bala 'mishone oa Paray, Thaba-Tseka (1931-1936), 'mishone oa Mazenod (1945-1946), Polasing ea Dieudonne, Natala (1946-1947), 'mishoneng oa St. David, Ha 'Mamathe (1948-1959), Polasing ea Ventura, Freistata (1959-1960), le 'mishoneng



Fr. Fernando le morali e moholo oa ntate Julius Langa Moetsana, Lucianna Moetsana ('Mamoshaoai Masoabi) setsing sa kokelo sa Ha Bua Sono.

oa St. Cecilia, Ha Mabekenyane (1960- 1981). Mosebetsi oa bophelo ba hae e ne e le bopaki ba besebeletsi, kutloelo-bohloko e se nang moeli, mosa le boitelo bakeng sa boiketlo ba ba bang, haholo-holo ho malapa a kang lelapa la Moetsana, le ileng la fumana matšelisano le tšimoloho e ncha tlhokomelong ea hae.

Kamohelo ea Lelapa la Moetsana

Motse-moholo oa Johannes-

do Boissonnault OMI ea ileng a bulela lelapa lena mamati a tšepo. Ka boitelo le mosa, o ile a amohela mohlolohali Nkhono 'Malanga Genevieve Moetsana 'mishoneng oa St. David, Ha 'Mamathe, moo a ileng a sebetse e le moapehi tlung ea bofatere, 'me a kenya mora oa hae ea neng a le lilemo li tšeletseng ka nako eo, Ntate Julius Langa Moetsana, sekolo. Fr Boissonnault OMI o ile a fetoha ntate le mosirelet-

le ile la fetoha setšabelo, 'me tataiso ea hae ea e-ba lebone la tšepo le ileng la thusa lelapa ho boela le ema ka maoto le ho fumana seriti.

Bophelo ba besebeletsi ho Basotho

Fr Fernando Boissonnault OMI o ile a tloha 'mishoneng oa St. David Ha 'Mamathe ka 1959 ho ea Polasing ea Ventura, Freistata, moo a ileng a jala koro ka thuso ea lelapa labo le neng le le Canada. Lelapa

ha ka 1981 ho isa 2023 ha a hloka hahala, lelapa la Moetsana le ile la abeloa setša sena ke morena oa sebaka oa nako eo, Morena Lebina Thamahane. Lelapa la Moetsana le ile la khetha setša sena hobane ho le bonolo hore bakuli ba fihle ho sona ntle le litšenyehelo tsa chelete e ngata le hona ho fihla ka maoto. Ka ho ntšetsa pele tleliniki ena, Ntate Julius Langa Moetsana o netefalitse hore lebitso la Fr Fernando Boissonnault OMI le mosebetsi oa hae ha li lebelele bophelong le lipelong tsa batho bao a ileng a phela le bona. Tleliniki ena e eme e le bopaki ba boitelo ba Ntate Buasono tšebeletsong e feletseng ea botho. O hopoloa ke ba bangata e le morumuoa ea tlisitseng tumelo, kutloelo-bohloko le mamello lichabeng tseo a ileng a phela le tsona le ho li sebeletsa.

Bosebeletsi le mosa oa Ntate Buasono li ile tsa pharalla 'me tsa ama malapa a mangata e seng feela lelapa la Moetsana. Joaloka morumuoa oa MaOblata a Maria ea se nang Sekoli (Oblates of Mary Immaculate (OMI)), o ile a nehelana ka bophelo ba hae ho sebeletsa Basotho. Bofatere ba Oblates

of Mary Immaculate (OMI) ba fihlile Lesotho ka selemo sa 1862, ba eteletsoe pele ke Fr Joseph Gerard OMI. Thōmo ea bona e ne e le ho kopanya sechaba le ho phatlalatsa molaetsa o molemo le evangeli, thuto, le ntšetso-pele ea sechaba. Seabo sa bona se akarelletsa ho theha likolo, liseminari le litsi tsa bophelo bo botle ho phatlalla le Lesotho. Kajeno, Lesotho le na le bofatere ba MaOblata ba fetang lekholo (100), ba ntšetsang pele molaetsa o molemo le bosebeletsi. Mosebetsi oa Ntate Buasono e le moprista ebile e le ngaka o ile oa mo lumella ho phekoa 'mele le moea, a phekoa mafu a 'mele le lithoko tsa moea tsa malapa a mangata ho phatlalla le Lesotho le Afrika Boroa. Tšusumetso ea hae ea bolisa le ea sechaba e ile ea matlafatsa bophelo ba 'mishone oa St. Cecilia ka tšebeletso ea li Sakramente le khaho ea sechaba. Lilemong tse 21 tseo a li qetileng Ha Buasono, o ile a ikamahanya le setso sa sebaka seo, a siea lefa la mosheoelela ka ho rehoa ha sebaka seo ka lebitso la hae. O ile a phethahatsa thōmo ea MaOblata ea ho sebeletsa bafumanehi le ba

eisehang.

Mosebetsi oa ntšetso-pele ea Sechaba metseng ea Lesotho

Metseng ea mahae le litoropong ka ho tšoana, Fr Boissonnault OMI e ne e le motho ea tsebahalang, motho ea bonolo ea neng a alafa le ho hlokomela bana ba nang le feberu, moeletsi ea bohale ea fanang ka lithapelo le matšeliso, le mo-loaneli ea ileng a netefatsa ka boikemisetso hore ba hlokanang ka ho fetisisa ba fumana tlhokomelo e ba lokelang. Tleliniki ea Buasono e ne e le sebaka sa botšabelo le tšepo, moo ho neng ho sa sekisetsoe mang kapa mang, ho sa natsoe semelo, chebahalo kapa bokhoni ba ho lefa.

Ntate Buasono o entse tlatselo ea bohlokoa haholo mererong ea ntšetso-pele ea sechaba libakeng tse mahaeng tsa naha ea Lesotho. O ahile likerike, li 'mishone, likolo, litsela tse kenellang metseng le marokho libakeng tseo bofatere ba MaOblata ba mo behileng ho tsona. Ho bohlokoa haholo ho bolela sebaka sa Ha Mabekenyane (Ha Buasono) le metsana e pota-potileng sebaka sena moo a ileng a thusa sechaba

se phelang libakeng tse na ka lipompo le litanka tsa ho bokella metsi hobane o ne a lumela hore "Metsi ke bophelo" le hore tsohle tse molemo li lokela ho aroleloa bohle. Mohlomong ke ka lebaka la mesebetsi eohle ea hae e ikhethang har'a Basotho e ileng ea etsa hore Motlotlehi Morena Moshoeshe II a mo ele hloko.

Maputulo a Kutloelo-bohloko le Tumelo

Maputulo a Fr Fernando Boissonnault OMI a ke ke a lekanngoa ka meaho kapa liamahale, empa a ka lekanngoa ka bophelo ba batho bao a ba ammeng le lichaba tseo a li phahamisitseng. Mohlala oa hae oa tumelo e nang le liketso o ntse o tsoela pele ho susumetsa ba neng ba mo tseba le ba utloang pale ea hae le kajeno. O rutila ba bangata ka mehlala hore bosebeletsi ba 'nete ha bo na meeli, le hore pheko ha se ea meriana feela, empa e tla ka ho utloela ba bang bohloko, ho itebala le ho hlokomela ba bang le ka lerato. O ile a holisa a ba a hlokomela bana ba Basotho ba bangata, a ba holisa, a ba kenya sekolo 'me kajeno ke banna ba bohlokoa lichabeng

tsa bona. Ba bangata haholo bana ba Basotho, bao kajeno e leng banna le bahale; ba ka pakang kholiso ea lerato leo ba e fumaneng ho Ntate Buasono. Lelapeng la Moetsana, Ntate Buasono e ne e se mofani feela e bile motsoali ea ratoang, moeletsi, le mohloli oa matla a sa feleng. Ho Basotho, e ne e le borokho ba tšepo, moeletsi, ngaka ea 'mele, pelo le moea, le motsoalle ea tšepahalang. Sehopotso sa hae se phela lipaleng tse phetiloeng har'a meloko, litebohong tsa ba ileng ba sebeletsoa ke eena, le moeeng oa tšebeletso oo a o bontšitseng.

Ka letsatsi la la 10 Pherekhong, ha re hopola Fr. Fernando Boissonnault OMI, re kete ka bophelo bo neng bo tletse boitelo, mosa, le tumelo e sa fetoheng. Pale ea bophelo ba hae ke khopotso ea hore lefatšeng leo hangata batho ba imetsoeng ke mahloko le matsetla- libete, liketso tsa motho a le mong ea nang le kutloelo-bohloko li ka khantša tsela bakeng sa ba bangata. E se e ka sehopotso sena sa bophelo ba Ntate Buasono se ka re susumetsa ho sebeletsa, ho phekoa le ho rata ntle le tekanyo.

Mokhothu o re Mahatammoho a boele hae

Nthabeleng Seitlheko

Moetapele oa Lekhotla la Puso ea Sechaba, DC, o re o hoelehetsa Basotho ka likanta tsohle le ho hoehla Mahatammoho a neng a se a khahliloe metseng e meng, hore ba se nyahame ba boele methohong ea tumelo ea bohlatammoho hobane ke bona bo tla pholosa naha ena. Litaba tse na li hlahetse polelong ea Lekhotla, ka la 6 Pherekhong Monongoaha.

Polelo ena e hopolang Mothehi oa Congress Lesotho, Mohlomphahi Ntsu Mokhehle ea timetseng ka 6 Pherekhong lilemong tse ngata tse fetileng.

Mokhothu o re ho khaphoha ha ba bang tumelong ena, le ho iphetola linku tse lahlehileng, ho thefutse lentsoe le matla la Congress, ha fetola Mahatammoho a mang bo-ramenyetla ba ichabang bo bona, le hoja

e le menyetla ea nako e khutšoanyane e sa tsoeleng sehlopha se sehlo molemo.

Polelo e hopolang menyabuketso ea Ntsu Mokhehle, e supa hore maputulo a Congress thutong, bophelong bo botle ba sechaba, moruong, toantšong ea bobolu le bomenememe le thehong ea mesebetsi.

Dr. Ntsu Mokhehle, a bontša seabo sa hae naheng ena, moo har'a tse ling a ileng a tso-solosa puso ea sechaba ka sechaba ka 1993, a matlafatsa paramente, makhotla, le mafapha a sechaba hore a sebeletse sechaba a ikokotle-tse ka puso ea molao.

Ho sa le joalo, har'a tse ling ba ipiletsa ho mahatammoho ka likanta tsohle ho tla hae, ho boela ba ipopa ngatana-'ngoe, 'me DC e re ena ha se nako ea likarohano, ke nako ea ho hopola mothehi oa bona, e seng ka lipuo feela, empa le ka liketso, ka kopano, ka ho boelana, le ka ho ikamahanya le litsiea tsa Mahatammoho



Mazenod BOOK CENTRE
27 350 562 / 57396597 (WhatsApp)
bookcentre@mazenodprinting.co.ls

akello
LIBRARY

Malebela
Mantlallala
Maphetane
Sefetiso sa Maphetane
Sefetiso sa Basotho
SEROPEHO-PUG SA SESOTHO I
SEROPEHO-PUG SA SESOTHO II

SCHOOL BOOKS
now available on the Akello Online Library!

Here's how to access them:

1. Download the Akello Reading App.
2. Search for the book you want.
3. Purchase or subscribe online.
4. Download the book

Enjoy reading offline anytime on the Akello App.

<https://library.akello.co/>

Lipapali lia thisa



Tseliso Thakholi

Mathata a tlhokahalo ea mabala a boemo bo botle, a sitisitse motsamao oa boithapollo oa batho ba baholo le lipapali tsa bana tse neng li lokela ho bapaloa ka lebaka la lebala le neng le tletse metsi kamor'a ho tšoloha ha lipula tse matla matsatsi a se makae pele ho lipapali. Lipapali tsena li ne li lokela ho bapaloa lebaleng la Mauteng Stars, Matsieng ka

la tharo Pherekhong 2026.

Lipapali tsena tse neng li tšoanela ho qala ka motsamao oa boithapollo bakeng sa batho ba baholo, ho tloha motseng oa Mauteng ho leba lebaleng la Mauteng Stars ka thokoana ho motse, li kenyeletsa bolo ea maoto, bolo ea matsoho ho bile ho hlophisitsoe le lipapali tsa Sesotho tse kang mokhibo, ndlamo, liphotha, selia-lia le setepe. Lihlopha tsa metse ea Mauteng tse neng li se li le malala-a-laotsoe ho tla e hlanaka, li ne li le leshome

ho kenyeletsa le tse peli tsa baeti ho hlaha Ha 'Nelese le Boqate.

Ho ea ka mohlophisi ebile e le mothehi oa Mokhatlo oa Lipapali le Boithapollo oa Ha 'Nelese (NSRC), Monghali Retšelisitsoe Goodman lipapali li ne li kenyelitse bana ba lilemo li robong ho ea holimo, 'moho le maqheku le maqhekoana molemong oa bophelo bo botle. A re sepheo sa lipapali tsena ke ho loantša litlolo tsa molao tse kang, tšebeliso empe ea lithetefatsi,

thekisetsano ea batho. Li boetse li reretsoe ho bokella bana ho tla thaba 'moho nakong ena ea phomolo ea Keresemese le selemo se secha.

O itse li ne li boetse li tlii'o thusa ho aha sechaba le ho hlokomelisa batho hore Mauteng e fetohile lehae la khotso, lintoa le lipolaeano tsa nako e fitileng li felile. A thoholetsa Morena Sanaha Leuta ea bileng le monahano oa hore lipapali tsa mofuta ona leha li sa ka tsa atleha, li ke li tšoareloe

motseng oa hae kaha ke ka tsona sechaba e bang ngata-'ngoe.

Morena Sanaha Leuta eena o hlalositse a utloile bohloko haholo ha lipapali tsena li sa ka tsa atleha ho tsoela pele ka lebaka la maemo a leholimo, ho latela ka moo sechaba se neng se thabile ka teng se ne se lakatsa hore lipapali li tsoelepele tlas'a maemo ao a hlobaetsang kaha li ne li tlii'o siea thabo, li sibolla talenta e ncha le ho hlabolla sechaba sa metse ea Mauteng.

A re bothata ba mabala ha se pharela motseng oa hae feela, empa ke koboanela Lesotho ka bophara, hoo ka nako e 'ngoe ha lipula tse matla li ena lipapali li sitoang ho tsoelapele. A tiisa hore o se a ntse a tšoare ka thata le mokanselara ho fumana sebaka se tlang ho lokisoa bakeng sa khaho ea lebala la maemo a matle, le ke keng la sitisa lipapali ka ho tla metsi nakong ea lipula.

"Selemong sena se secha Mauteng e tla be e tsebahala hore ke motse o khethehileng ka lipapali kahar'a naha, 'me ke leboha batšehetsi ba lipapali tsena e leng Lehae Funerals. Re se re kopa le likampani tse ling ho nka mohlala ona o motle hoba ke ka botšehetsi lipapali li ka tsebang ho hola le ho hlalisa talenta e ngata mona Mauteng." Ke Morena Leuta eo.

LUFA e tekena Selibo

Tseliso Thakholi

Sehlopha sa Bolo ea Maoto sa Basali sa Ladybugs United Football Academy (LUFA) sa Mokhahlelo oa Region V Women's First League se amohetse le ho tekena sebakali se secha se bapalang moleng o kapele e leng Ausi 'Maseabata 'Gift' Selibo ho hlaha sehlopheng sa Rural Stars Ladies, eo e seng e tlii'o ba sebakali sa sehlopha ka bottlalo, se tlii'o ba thusa ho qala mokhahlelo oa bobeli oa lipapali tsa liki tse tla thakhoha mabaleng a fapakaneng ka la 10 Pherekhong 2026.

Ho amoheloa ha Selibo e se e le sebakali sa sehlopha, ho tla tjena e le ho latela maqiti le makhabane ao khalala ena e nang le ona papaling ea bolo. Bakoetlisi ba sehlopha sa LUFA ba khahliloe haholo ke mofuta oa bolo e ntle eo a e bapalang, 'me ho se ho hloka hahala hore ba mo lokise

mona le mane.

Ka hona tšepo e kholo ho bakoetlisi le ho sehlopha ka kakaretso ke hore o tliša liphetofo kahare ho sehlopha sena se tšoereng ka thata ho bona hore se kena lihlopheng tsa Liki e Kholo ea Women's Super League ha selemo sena se fela. Liphuputso tsa koranta ena li boetse li sibolotse hore 'Maseabata ona le talenta e ikhethehileng ea ho tseba ho kenya lipapali tse ling moea oa lerato la papali le ho sebetsa ka boitelo. O boetse o ipabola haholo ka boitšoarobottle kantele le kahare ho lebala.

Ho ea ka Mokoetlisi oa Sehlopha sa LUFA, Tankiso Selialia o re o motlotlo haholo hore ebe ba tlii'o kena mokhahlelong oa bobeli oa lipapali tsa liki, ba atlehile ho fihlela meoloane eo ba neng ba ipehetse eona ea hore ha ba kena lipapaling tsa ho qetela tsa liki ba be ba le maemong a pele lokong. "Re atlehile ho fihlela sena 'me hona ke sesupo sa hore ha re kena mokhahlelong

ona oa bobeli ha re sa tla theoha, e se e le ha re se lutse sa maratsoana ho fihlela re ba re fetela Women's Super League". A rialo. A re ba fihletse katleho

ena ke ho bapala lipapali tsa setsoalle le lihlopha tse ling tsa Liki e Kholo, e leng tsona tse ileng tsa ba thusa ho bona mefokolo le matla a bona. "Lipapali tsena tsa

liki li re thusitse haholo ho aha sehlopha se matla se nang le boitšepo papaling ea bolo ea maoto." A qetella ka hore boteng ba Gift Selibo bo tlii'o ba thusa haholo kahare ho sehlopha kaha a ne a ntse a sena sebakali se bapalang kantele moleng o ka letsohong le letšehali.



E tlii'o busetsa molamu sefateng

Tšeliso Thakholi

Sehlopha sa Limkokwing University (LUFC) se tla qala mokhahlelo oa bobeli oa lipapali tsa Liki e Kholo ea Vodacom, ka ho e lata letailane ka Morija ti-kolohong ea Makhoarane ka Moqebelo oa la 24 Pherekhong monongoaha, ho ea lebanya thebe le sehlopha se maemong a bobeli lokong sa Lijabatho, moo LU e otlanyang thupa le lefatše hore e tlii'o khutlisetsa molamu sefateng kaha mokhahlelong oa pele Lijabatho e ne ile ea iphetela mohoaletso.

Mokhahlelong oa pele ha lihlopha tsena ka bobeli li kopana, Mokoetlisi oa LUFC Monghali Motebang Makhetha o ne a sa tsoa qala ho sebetse le sehlopha, 'me tema e ntse e-s'o bonahale hantle kahare ho sehlopha kaha karolo ea pele ea lipapali tsa liki ha e fihla pheletsong, LU e lahlehetsoe ke lipapali tse supileng, ea hlola tse peli, ea bapala ka ho lekana ho tse tharo, 'me e maemong a kotsi haholo a bo-15 ka lintlha-kholo tse 9 moo e ka 'nang ea tla rathoa ke selepe ha selemo sa lipapali se fihla pheletsong.

Ka mokhoa o tšoanang Mokoetlisi oa Lijabatho Monghali James Madidilane o ntse a le mocha haholo kahare ho sehlopha, empa maputulo a mosebetsi oa hae a se a ntse a bonahala, kaha sehlopha sa hae se maemong a bobeli kamor'a ho bapala lipapali tse 13. O hapile tse 9, a hloloa ho tse tharo ea ba o bapala ka ho lekana ho e le 'ngoe. Sephetso sena se bolela hore lihlopha tsena ha li kopana hape papaling ea tsona ea ho qetela tang-tang e tlii'o khangoa ke lerole moo se ileng sa hloloa se tla batla ho iphetetsa.

Ho feta mona Mokoetlisi oa Lijabatho James Madidilane eena o tlii'o lakatsa hore a boele a ntlafatse maemo a sehlopha lokong ka ho hapa papali eo. E re kaha e le e mong oa bakoetlisi ba bohale haholo kahar'a naha ba bileng ba nang le boiphihlelo papaling ea bolo ea maoto, menyenyesi e supa hore o batla ho matlafatsa sehlopha sa Lijabatho ka e mong oa bo-'mamoratoa oa sehlopha sa Matlama e leng Jane Thabantšo ea tšepetsoeng ho li hlaba lenyelenyele sehlopheng seo.



Sena o batla ho se etsa hobane a se a hlokometse hore ka lebaka la ho sebetse ka thata Lijabatho e se e ntse ena le monyetla oa hore e ka hapa liki. Ka hona o batla ho ikatela ho sa kh-

anya e se re a llela lebesa le qhalane. Papaling ena e tlii'o ba matla haholo thato-hatsi ea Lijabatho Tumelo Khutlang 'Makhopo' ka moo a tsebahalang ka teng o tlabae a qothisana lehlokoa

le Lemohang Lintša ea kotsi haholo moleng o kapele oa sehlopha sa LU.

Ho sa le joalo, tse ling tse tlang ho bapala ka Moqebelo oa la 24 Pherekhong 2026 li eme tjena: LCS vs

Linare, LMPS vs Lifofane le LDF vs Machokha. Athe ka Sontaha sa la 25 Pherekhong 2026: Maroala vs Majantja, Members vs Bantu, Matlama vs Manonyane le Lioli vs Liphakoe.

Nigeria e'a phunyeletsa

Tšeliso Thakholi

Sehlopha sa Naha ea Nigeria sa Super Eagles sa Lebatooa la COSAFA, seo e saleng barati le batšehetsi ba behile tšepo ho sona, se matlafalitse tšepo eo ka ho phunyeletsa ho ea mokhahlelong oa li-quarterfinal tsa Mohope ona o ntseng o bapaloa mane Morocco.

Mokhahlelong ona oa li-quarter final tsa AFCON Nigeria e tlii'o botsana lipotso le Algeria tlas'a bokoetlisi bo hloahloa ba Monghali Vladimier Petkovic ea seng

a ile a bolaisa Nigeria phafa ka 2019 h'a ne a e ntša mokhahlelong oa li-semifinal tsa AFCON ka ho e shapa ka phafa e bohloko ea 1-0 e neng e hlajoe ka Riyad Mahrez.

Algeria e atlehile ho finyella ho lipapali tsa li-quarter final ha e ne etsoa ka le-soba la nale ka ho tlabola DR Congo ka phafa ea 1-0 papaling e bapetsoeng ka Labobeli la la 4 Pherekhong monongoaha, moo ntlha ena ea tlhola e ileng ea hlajoe ke Adil Boulbina metsotsong e 119, ea nako e ekelitsoeng, metsotso e se mekae a kene ka karolong ea bobeli.

Barati ba bangata ba bolo ea maoto ba re ha linaha tsena tse peli li thulana, Nigeria e tlii'o iphetse meokho ka Algeria, e fetele mokhahlelong oa li-semifinal o tlii'o qala ka Labohlano, ha ba bang bona ba re ba thoholetsa Algeria kaha nalane ea lipapali tsena e ntse e supa hore Nigeria e ke ke ea o besa oa tuka ho Algeria.

Tšepo e kholo ea hore Nigeria e tlii'o tsamaea feela balebelli ba bolo ba e behile ho Victor Osimhen le Ademola Lookman moleng o kapele. Bobeli bona ke bona bo ileng ba iketsa pilisi ka lebaleng maoba ha bone bo kakata Mozambique ka

phafa ea 4-0. Ho latela nalane ea bolo, haele mona Cameroon e se e tsoile Nigeria ke eona e nang le monyetla o moholo oa ho hapa Mohope ona, kaha e se e bapetse mohope ona makhetlo a mangata.

Linaha tse ling tse matla ke Burkina Faso, Gabon, Sudan, Tunisia le Tanzania, tseo barati ba bolo ba neng ba lumela hore li tla itšupa hore ha se potele e khoathoang ka lehlaka, li hlile tsa hlatsoa jesi ea tsona leotong la pele le la ho qetela la lihlopha tse 16. Linaha tsena li se li tla itokisetse lipapali tsena hape ka selemo sa 2030.

